

論

語

論語序

敘曰漢中壘校尉劉向言魯論語二十篇皆孔子弟子記諸善言也太子太傅夏侯勝前將軍蕭望之丞相韋賢及子玄成等傳之齊論語二十二篇其二十篇中章句頗多於魯論琅邪王卿及膠東庸生昌邑中尉王吉皆以教授故有魯論有齊論魯共王時嘗欲以孔子宅爲宮壞得古文論語齊論有問王知道多於魯論二篇古論亦無此二篇分堯曰下章子張問以爲一篇有兩子張凡二十一篇篇次不與齊魯論同安昌侯張禹本受魯論兼講齊說善者從之號曰張侯論爲世所貴包氏周氏章句出焉古論唯博士孔安國爲之訓解而世不傳至順帝時南郡太守馬融亦爲之訓說漢末大司農鄭玄就魯論篇章考之齊古爲之註近故司空陳羣太常王肅博士周生烈皆爲義說前世傳授師說雖有異同不爲訓解中間爲之訓解至于今多矣所見不同互有得失今集諸家之善記其姓名有不安者頗爲改易名曰論語集解光祿大夫關內侯臣孫邕光祿大夫臣鄭冲散騎常侍中領軍安鄉亭侯臣曹羲侍中臣荀爽尚書駙馬都尉關內侯臣何晏等上

古註論語姓氏攷

劉向

向字子政高祖少弟楚元王之後本名更生成帝即位更名向專精經術成帝詔校經傳諸子詩賦每書條其篇目撮其指意錄而奏之著別錄新序說苑

夏侯勝

勝字長公東平人好學善說禮服宣帝時勝以尚書授太后遷長信少府坐議廟樂下獄繫再更冬赦出爲諫大夫復爲長信少府遷太子太傅受詔撰尚書論語說賜黃金百斤年九十卒太后賜錢三百萬爲勝素服五日以報師傅之恩儒者榮之

蕭望之

望之字長倩東海蘭陵人從夏侯勝問論語禮服累遷諫大夫代丙吉爲御史大夫左遷太子太傅元帝時爲弘恭石顯等所害天子聞之卻食涕泣哀慟左右

韋賢

賢字長孺魯國鄒人篤學兼通禮尚書以詩教

授稱鄒魯大儒本始三年爲丞相封扶陽侯

韋玄成

玄成字少翁韋賢之少子復以明經歷至丞相謚共侯

王卿

按天漢元年卿由濟南太守爲御史大夫

庸生

按生名譚生蓋古謂有德者也

王吉

吉字子陽琅邪阜虞人少好學明經以郡吏舉孝廉爲郎補若盧丞遷滎陽令舉賢良爲昌邑

中尉

張禹

禹字子文河內軹人從沛郡施讎受易王陽庸生問論語舉爲郡文學試博士初元中禹授太子論語遷光祿大夫成帝即位以師賜爵關內侯給事中領尚書事爲丞相封安昌侯

包咸

按咸字子良會稽曲阿人少爲諸生倡魯詩論語舉孝廉除郎中建武中入授皇太子論語又

爲其章句拜諫議大夫永平五年拜大鴻臚

周氏

不詳

孔安國

詳見總目

馬融

融字季長扶風茂陵人永初中爲校書郎陽嘉二年拜議郎轉武都太守三遷爲南郡太守註孝經論語詩易尚書三禮

鄭玄

詳見總目

陳羣

按羣字長文潁川許昌人魏祖辟爲司空西曹屬文帝時遷尚書僕射明帝時進封潁陰侯爲司空

王肅

肅字子顯東海蘭陵人魏衛將軍太常蘭陵景侯註尚書禮喪服論語孔子家語述毛詩註作聖證論難

周生烈

按生烈熒煌人字文逸本姓唐魏博士侍中

孫邕

按邕字宗儒樂安青州人仕魏至光祿大夫關內侯

鄭冲

冲字文和滎陽開封人寒微立操魏文帝爲太子命爲文學累遷尚書郎出補陳留太守轉散騎常侍光祿勳

曹羲

羲沛國譙人魏宗室曹爽之弟

荀顗

顗字景倩荀彧之子性至孝總角知名咸熙中爲司空

何晏

晏字平叔南陽宛人何進之孫爲吏部尚書尚公主著述凡數十篇

崇禎己卯仲冬東吳金蟠錄

古註論語姓氏攷

論語目錄

卷一

學而第一

卷二

爲政第二

卷三

八佾第三

卷四

里仁第四

卷五

公冶長第五

卷六

雍也第六

卷七

述而第七

卷八

泰伯第八

卷九

子罕第九

卷十

鄉黨第十

卷十一

先進第十一

卷十二

顏淵第十二

卷十三

子路第十三

卷十四

憲問第十四

卷十五

衛靈公第十五

卷十六

季氏第十六

卷十七

陽貨第十七

卷十八

微子第十八

卷十九

子張第十九

卷二十

堯曰第二十

論語目錄

論語卷一

魏尚書駙馬都尉關內侯南陽何晏集解

明後學東吳金蟠較訂

學而第一

子曰學而時習之不亦說乎

馬曰子者男子之通稱謂孔子也王曰時者學者以時誦習之誦習以時學無廢業所以為說傳

有朋自遠方來不亦樂乎

包曰朋門曰朋

人不知而不愠不亦君子乎

愠怒也凡人有所有不知君子不怒

有子曰其為人也孝弟而好犯上者鮮矣

言孝弟之人必恭順好犯上者記上者言孝弟之人必恭順好犯上者記上者

不好犯上而好作亂者未之有也君子務本本立

而道生

本基也基立而後可大成

孝弟也者其為仁之本與

先能事父兄然後仁道可大成

子曰巧言令色鮮矣仁

包曰巧言好其言諂令色善其顏色皆欲令人說之少能有仁也

曾子曰

馬曰弟子會參

吾日三省吾身為人謀而不忠乎與朋友交而不

信乎傳不習乎

言凡所傳之事傳無素不講習而傳之

子曰道千乘之國

馬曰道謂為之政教司馬法六尺為步百為畝成百為夫三為屋三為井十為通十為成

成三百一十六里有一乘然則千乘之國其地乃能容之樂

大國之賦亦不是過焉包曰道治也千乘之國者百里之國也古者井田方里為井十井為乘百里

依之國適千乘也故依周禮包

敬事而信

包曰為國者事事必敬慎與民必誠信

節用而愛人

包曰節用不奢後國以民為本故愛養之

使民以時

包曰作事使民必以其時不妨農務

子曰弟子入則孝出則弟謹而信汎愛衆而親仁行

有餘力則以學文

馬曰文者古之遺文者

子夏曰賢賢易色

孔曰子夏弟子卜商也言以好色之心好賢則善

事父母能竭其力。事君能致其身。

孔曰盡忠節不愛其身

與朋友交言而有信。雖曰未學吾必謂之學矣。

子曰君子不重則不威。學則不固。

孔曰固執也。一日言人不能敦重。既無威嚴。學又不能堅固。識其義理。

主忠信。無友不如己者。過則勿憚改。

鄭曰主親也。憚難也。

曾子曰慎終追遠民德歸厚矣。

孔曰慎終者喪盡其哀追遠者祭盡其敬。君能行此二者民化其德皆歸於厚也。

子禽問於子貢曰夫子至於是邦也必聞其政求之

與抑與之與。

鄭曰子禽弟子陳亢也。子貢弟子姓端木名賜。亢怪孔子所至之邦必與聞其國政求而得之耶抑

與人君自願與之為治。

子貢曰夫子溫良恭儉讓以得之。夫子之求之也

其諸異乎人之求之與。

鄭曰言夫子行此五德而得之。與人求之異則人君自與之。

子曰父在觀其志父沒觀其行。

孔曰父在子不得自專故觀其志而已父沒乃觀其行。

三年無改於父之道可謂孝矣。

孔曰孝子在喪哀慕猶若父存無所改於父之道。

有子曰禮之用和為貴。先王之道斯為美。小大由之。

有所不行知和而和不以禮節之亦不可行也。

馬曰人知禮貴和而每事從和。不以禮為節。亦不可行。

有子曰信近於義言可復也。

復猶覆也。言不必信。信非義也。以其言可反覆故曰近義。

恭近於禮遠恥辱也。

恭不合禮非禮也。以其能遠恥辱故曰近禮也。

因不失其親亦可宗也。

孔曰因親也。言所親不失其親。亦可宗敬。

子曰君子食無求飽居無求安。

鄭曰學者之志有所不暇。

敏於事而慎於言就有道而正焉可謂好學也已。

孔曰敏疾也。有進有道。德者正謂問其是非。

子貢曰貧而無詔富而無驕何如子曰可也。

孔曰未足矣。

未若貧而樂富而好禮者也。

鄭曰樂謂志於道不以貧為憂苦。

子曰詩云如切如磋如琢如磨其斯之謂與。

孔曰能貧而樂道富而好禮者能自切磋琢磨。

子曰賜也始可與言詩已矣告諸往而知來者。

子曰不患人之不己知患不知人也

孔曰諸之也子貢知引詩以成孔子義善取類故然之往告之以貧而樂道來答以切瑳瑳磨

論語卷一

論語卷二

魏尚書駙馬都尉關內侯南陽何晏集解

明後學東吳葛藤較訂

爲政第二

子曰爲政以德譬如北辰居其所而衆星共之

包曰德者無爲猶北辰之不移而衆星共之

子曰詩三百

包曰詩三百篇之六數

一言以蔽之

包曰蔽猶蓋也

曰思無邪

包曰歸於正

子曰道之以政齊之以刑民免而無恥

孔曰政謂法教馬曰齊整之以刑罰孔曰免苟免

道之以德

包曰德謂道德

齊之以禮有恥且格

格正也

子曰吾十有五而志于學三十而立

有所成也

四十而不惑

孔曰不疑惑

五十而知天命六十而耳順七十而從心所欲不

踰矩

孔曰知天命之始終鄭曰耳聞其言而知其微言馬曰矩法也從心所欲無非法

孟懿子問孝

孔曰魯大夫仲孫何忌懿謚也

子曰無違樊遲御子告之曰孟孫問孝於我我對

曰無違

鄭曰恐孟孫不曉無違之意將問必樊遲故告之樊遲弟子樊須問

樊遲曰何謂也子曰生事之以禮死葬之以禮祭

之以禮

孟武伯問孝子曰父母唯其疾之憂

馬曰武伯懿子之子仲孫與武謚也言孝子不妄爲非唯疾病然後使父母憂

子游問孝

孔曰子游弟子姓言名偃

子曰今之孝者是謂能養至於犬馬皆能有養不

敬何以別乎

包曰犬以守禦馬以代勞皆養人者一曰人之所養乃至於犬馬不敬則無以別孟子曰食而不噍

豕畜之愛而不敬獸畜之

子夏問孝子曰色難

包曰色難者謂承順父母顏色乃為難

有事弟子服其勞有酒食先生饌

馬曰先生謂父兄饌飲食也

曾是以為孝乎

馬曰孔子論子夏服勞生食汝謂此為孝乎未孝也承順父母顏色乃為孝也

子曰吾與回言終日不違如愚

孔曰回弟子姓顏名回字子淵魯人也其退而省其私亦足以發回也不愚

退而省其私亦足以發回也不愚

孔曰察其退還與二三子說

子曰視其所以觀其所由察其所安人焉廋哉人焉廋哉

廋

以用也言視其所行用由經也言觀其所經

子曰溫故而知新可以為師矣

溫尋也尋謀故者又知新者可以為人師矣

子曰君子不器

包曰器者各用其用至於君子無所不施

子貢問君子子曰先行其言而後從之

孔曰疾小人多訕而行之不周

子曰君子周而不比小人比而不周

孔曰忠信為比

子曰學而不思則罔

包曰學不尋思其義則罔然無所得

思而不學則殆

不學而思終卒不得徒使人精神疲殆

子曰攻乎異端斯害也已

攻治也善道有統故殊塗而同歸異端不同歸也

子曰由誨汝知之乎知之為知之不知為不知是知也

也

孔曰弟子姓仲名由字子路

子張學干祿

鄭曰弟子姓張名干字子張干求也祿位也

子曰多聞闕疑慎言其餘則寡尤

包曰尤過也疑則闕之其餘不疑猶慎言之則少過

多見闕殆慎行其餘則寡悔

包曰殆危也所見危者闕而不行則少悔

言寡尤行寡悔祿在其中矣

鄭曰言行如此雖不得祿亦同得祿之道

哀公問曰何為則民服

包曰哀公魯君也

孔子對曰舉直錯諸枉則民服

包曰錯置也舉正直之人用之廢置邪枉之人則民服其上

舉枉錯諸直則民不服

季康子問使民敬忠以勸如之何子曰臨之以莊則

敬

孔曰魯卿季孫肥康子曰莊嚴也君臨民以嚴則民敬其上

孝慈則忠

包曰君能上孝於親下慈於民則民忠矣

舉善而教不能則勸

包曰舉用善人而教不能者則民勸勉

或謂孔子曰子奚不為政

包曰或人以為居位乃是為政

子曰書云孝乎惟孝友于兄弟施於有政是亦為

政奚其為為政

包曰孝乎惟孝美大孝之辭友於兄弟善於兄弟施行也所行有政則與為政同

子曰人而無信不知其可也

孔曰言人而無信其餘餘無可無

大車無輶小車無軌其何以行之哉

包曰大車牛車輶者轅端橫木以縛輶小車馬車軌者轅端上曲鉤衡

子張問十世可知也

孔曰文質禮數

子曰殷因於夏禮所損益可知也周因於殷禮所

損益可知也

馬曰所因謂三綱五常所損益謂文質三統

其或繼周者雖百世可知也

物類相召世數相生其變有常故可預知

子曰非其鬼而祭之諂也

鄭曰人神曰鬼非其祖考而祭之者是諂求福

見義不為無勇也

孔曰義所宜為而

不能為是無勇

論語卷二

論語卷三

魏尚書駙馬都尉關內侯南陽何晏集解
明後學東吳金蟠較訂

八佾第三

孔子謂季氏八佾舞於庭是可忍也孰不可忍也

馬曰：舞，列也。八佾，八八六十四人。魯以周公故受天子之禮樂，有八佾之舞。季桓子僭於其家廟舞之，故孔子譏之。

三家者以雍徹

馬曰：三家謂仲孫、叔孫、季孫。雍，雍廟。周頌臣工篇名。天子祭於宗廟，歌之，以徹祭。今三家亦作此樂。

子曰：相維辟公，天子穆穆。奚取於三家之堂？

包曰：辟，公。謂諸侯及二王之後。穆，穆天子之容貌。雍，雍歌。此者有諸侯及二王之後來助祭，故也。今此義而作之於堂，邪？

子曰：人而不仁，如禮何？人而不仁，如樂何？

包曰：言人而不仁，必不能行禮樂。

林放問禮之本

鄭曰：林放，魯人。

子曰：大哉問！禮與其奢也，寧儉；喪與其易也，寧戚。

包曰：易，和易也。言禮之本意失於奢，不如儉。喪失於和易，不如哀戚。

子曰：夷狄之有君，不如諸夏之亡也。

季氏旅於泰山，子謂冉有曰：女弗能救與？

馬曰：旅，祭名也。禮諸侯祭山川在其封內者，今陪臣祭泰山，非禮也。冉有弟子冉求時仕於季氏，故也。猶止。

對曰：不能。子曰：嗚呼！曾謂泰山不如林放乎？

包曰：神不享非禮。林放尚知問禮，泰山之神反不如林放邪？欲諷而祭之。

子曰：君子無所爭，必也射乎？

孔曰：言於射而後有爭。

揖讓而升，下而飲，其爭也君子。

王曰：射於堂，升及下皆揖讓而相飲。馬曰：多舞飲少，舞君子之所爭。

子夏問曰：巧笑倩兮，美目盼兮，素以爲絢，今何謂也？

馬曰：倩，笑貌。盼，目貌。絢，文貌。此上二句在衛風碩人之章，其下一句也。

子曰：繪事後素。

鄭曰：繪，畫文也。凡繪畫先布素，然後以素分布其間，以成其文。喻笑女雖有俏盼美質，亦須禮以成之。

曰：禮後乎？

孔曰：孔子言繪事後素，子夏問而解知以素喻禮，故曰禮後乎。

子曰：起予者商也，始可與言詩已矣。

包曰：予，我也。孔子言子夏能發明我意，可與共言詩。

子曰：夏禮吾能言之，杞不足徵也；殷禮吾能言之，宋不足徵也。

包曰：鐵成也。把宋二國名。夏服之後，夏服之禮，吾能說之。把宋之君，不足以成也。

文獻不足故也。足則吾能徵之矣。

鄭曰：獻猶賢也。我不以禮成之者，以此二國之君文章賢才不足故也。

子曰：禘自既灌而往者，吾不欲觀之矣。

孔曰：禘，祫之禮。為序昭穆，故毀廟之主及羣廟之主皆合食於太祖。灌者，酌鬱鬯灌於太祖，以降神之禮也。既灌之後，列尊卑序昭穆而魯逆祀，請僖公亂昭穆，故不欲觀之矣。

或問禘之說。子曰：不知也。知其說者之於天下也，其

如示諸斯乎？指其掌。

孔曰：答以不知者，為魯諱。包曰：孔子謂或人言知禘禮之說者，於天下之事如指示掌中之物，言其

祭如在。

丁易

祭如在。

孔曰：言事死如事生。

祭神如神在。

孔曰：謂祭百神。

子曰：吾不與祭，如不祭。

包曰：孔子或出或病而不自親祭，使攝者為之，不致肅敬於心，與不祭同。

王孫賈問曰：與其媚於奧，寧媚於竈，何謂也？

孔曰：王孫賈，衛大夫與內也。以喻近臣。竈，以喻執政者。欲使孔子求昵之微，以世俗之言感

也。動之。

子曰：不然。獲罪於天，無所禱也。

孔曰：天以禮君孔子拒之曰：如獲罪於天，無所禱於衆神。

子曰：周監於二代，郁郁乎文哉！吾從周。

孔曰：監，視也。言周文章備於二代，當從之。

子入太廟，每事問。或曰：孰謂鄒人之子知禮乎？入太

廟，每事問。

包曰：太廟，周公廟。孔子仕魯，魯祭周公而助祭也。孔曰：鄒，孔子父叔梁紇所治邑。時人多言孔子知禮者，人以爲知。

禮者，不當復問。

子聞之曰：是禮也。

孔曰：雖知之，當復問，慎之至也。

子曰：射不主皮。

馬曰：射有五善焉。一曰和志，二曰和體，三曰和氣，四曰和力，五曰和容。有容，射者不以皮爲重，亦兼取和容之言。

爲力不同科，古之道也。

馬曰：爲力，力役之事，亦有上中下，設三科焉。故曰：不同科。

子貢欲去告朔之餼羊。

鄭曰：牲生曰餼。禮人君每月告朔於廟，有祭謂去朝享，魯自文公始不視朔，于貢見其禮廢，故欲去之。

羊其

子曰：賜也，爾愛其羊，我愛其禮。

包曰：羊存猶以議其禮，羊亡禮遂廢。

子曰：事君盡禮，人以爲諂也。